



ABDULLAH B. ABDURRAHMAN ES-S'AD

# BUĐENJE SRCA

DOVAMA I ZIKROVIMA

HARIS A. BEČOVIĆ

Doista, naš Plemeniti Gospodar voli da bude spominjan,  
da Ga se ljudi sjećaju veličajući Ga. Voli kada neko od  
Njega traži, a mrzi kada se od Njega ne traži.

# BUĐENJE SRCA

DOVĀMA I ZIKROVĪMA

SKRAĆENO IZDANJE

**Naslov originala**

Ed-da'vatu ve-l-ezkaru el-ma'suratu 'ani-n-nebiji  
sallallahu alejhi ve selleme fi-l-jevmi ve-l-lejle

**Autor**

Abdullah b. Abdurrahman es-S'ad

**Prijevod**

Haris A. Bećović

**Predgovor**

Dr. Safet Kuduzović

Dr. Hajrudin Ahmetović

Mr. Sead ef. Islamović

**Lektura**

Fatima Sažić, prof.

**DTP**

ProDesign387

**Dizajn korice**

Dino Vejzović

**Izdavač**

Darut-tevhid



Darut-tevhid



ABDULLAH B. ABDURRAHMAN ES-S'AD

# BUĐENJE SRCA

## DOVAMA I ZIKROVIMA

**SKRAĆENO IZDANJE**

[www.darutevhid.com](http://www.darutevhid.com)

Živinice, 2023.

**BESPLATAN  
PRIMJERAK**





## **PREDGOVOR PREVODIOCA**

U ime Allaha, Samilosnog, Milostivog. Salavat i selam neka je na Allahovog Poslanika, Muhammeda, sallallahu alejhi ve sellem, njegovu časnu porodicu, plemenite ashabe i na sve one koji ga slijede do Sudnjeg dana, a nakon toga:

Nakon što je Uzvišeni od Njegove dobrote dozvolio da iz štampe 2019. god., izađe ova mubarek knjiga pod naslovom "Buđenje srca dovama i zikrovima", uvaženog autora šejha Abdullaha b. Abdur-Rahmana es-Sa'ada i da nakon kratkog vremena veliki tiraž ove knjige se rasproda, odlučio sam se zbog interesovanja i potražnje čitalaca na izdavanje skraćene verzije koja će olakšati čitanje, izgovaranje i učenje napamet ovih zikrova, moleći Uzvišenog Gospodara svih svjetova, da nas poduči vjeri, olakša nam slijeđenje Allahovog Poslanika, sallallahu alejhi ve sellem i olakša nam da spominjemo Njega Uzvišenog i da ustrajemo u upućivanju dove samo Njemu, Koji sve daje i stvara.

Učinio sam ovo skraćeno izdanje vakufom (trajnom sadakom) za svakog onog ko mi je pomogao na bilo koji način u traženju šerijskog znanja i olakšao moj boravak na studijama, za svoju suprugu i djecu, moleći Uzvišenog Gospodara da ih obilato nagradi i na dunjaluku i na ahiretu i u Džennetu vječnom nas sastavi sa poslanicima, šehidima, iskrenima i dobrim.

Ono što je ispravno od Allaha je, a svaka greška je od mene i šejtana, pa Ga molim da mi oprostí sve pogreške i sačuva me prokletog šejtana. Amin.

*Haris A. Bećović, Rijad, KSA*

*5. ševval 1443. h.g. / 6. maj 2022. god.*



Email



Telegram



## **PREDGOVOR**

### **DR. SAFETA KUDUZOVIĆA**

U ime Allaha, Milostivog, Samilosnog!

Sva hvala i zahvala pripadaju Uzvišenom Allahu. Neka su salavat i selam na Njegovog poslanika Muhammeda, njegovu porodicu, časne ashabe i sve one koji ga slijede do Sudnjeg dana.

Doista, današnje vrijeme je vrijeme iskušenja i nedaća, te je potrebno svakom vjerniku i vjernici nešto što će im pomoći u prevazilaženju istih. Ova vjera, naš Plemeniti Gospodar i Njegov Poslanik, sallallahu alejhi ve sellem, su nas podučili tome. Stoga, nema sumnje da je od najboljih sredstava, a koje je Allah s.w.t. učinio takvim, kojima se vjernik može poslužiti u borbi sa iskušenjima, dova i zikr.

Dovom i zikrom šerijatski obaveznik održava svoju vezu sa Svevišnjim Allahom. Ova veza, ustvari, predstavlja hranu za vjernikovu dušu. Poznato je da kur'ansko-hadiski citati obiluju različitim zikrovima i dovama, a koji su vezani za različite prilike i okolnosti u kojima se čovjek može naći, kao: zikrovi nakon propisanih namaza, jutarnji i večernji zikrovi, zikrovi pred spavanje, itd.

Znajući ovo, poželjno je da svaki vjernik, ove zikrove i dove, a kojih je mnogo preneseno od Poslanika, sallallahu alejhi ve sellem, usvoji, što više zapamti, te praktikuje svakodnevno, shodno situacijama u kojima se nađe.



U sakupljanju ovih dova i zikrova islamski učenjaci su uložili veliki trud, te je tim povodom napisan veliki broj djela koja tretiraju ovu tematiku što je olakšalo običnim masama pristup dovama čija je autentičnost potvrđena u vjerodostojnim predanjima.

Djelo "Dove i zikrovi", poznatog hadiskog stručnjaka šejha Abdullaha b. Abdurrahmana es-S'ada, Allah ga sačuvao, predstavlja jako vrijedan i uspješan pokušaj sakupljanja vjerodostojnih dova koje su svakodnevno potrebne vjerniku.

Šejh es-S'ad, kao što je naglasio u svojoj knjizi, nastojao je sakupiti vjerodostojno prenesene dove i zikrove od Poslanika, sallallahu alejhi ve sellem, a koji vjerniku i vjernici mogu poslužiti u različitim okolnostima.

Kratki komentari i bitna pojašnjenja uvaženog šejha es-S'ada su od posebnog značaja. Time su otklonjene izvjesne nejasnoće i dileme na koje bi eventualno mogao naići čitatelj ovog djela. Valorizacijom citiranih hadisa te ukazivanjem na različita mišljenja hadiskih stručnjaka u vezi s njihovom ocjenom, ovo djelo je dobilo posebnu, naučnu dimenziju.

Duboko sam uvjeren da će biblioteka našeg govornog područja biti vidno obogaćena izdanjem ovog vrijednog djela. Molim Svevišnjeg Stvoritelja da najboljom nagradom obaspe autora šejha Abdullaha es-S'ada, prevodioca uvaženog brata Harisa Bećovića, prof., izdavača i sve one koji su na bilo koji način doprinijeli u realizaciji ovog izuzetno korisnog i značajnog djela.

*Safet Kuduzović*

*Sarajevo,*

*15. ševval 1439. h. g. / 28. juni 2018. god.*



## **PREDGOVOR**

### **DR. HAJRUDINA AHMETOVIĆA**

Sva hvala pripada samo Uzvišenom Allahu! Neka su salavati i selami na Allahovog Poslanika, njegovu časnu porodicu, sve asha-be i sve one koji ga dosljedno slijede do Sudnjega dana!

A zatim: Svevišnji Allah naredio nam je da Ga mnogo i često spominjemo kada je rekao: **"O vjernici, Allaha mnogo spominjite, i jutrom i večeri Ga veličajte."** (El-Ahzab, 40-41)

Također, rekao je Uzvišeni: **"Gospodar vaš je rekao: 'Pozovite Me i zamolite, Ja ću vam se odazvati! Uistinu će oni koji se uzdižu od činjenja ibadeta Meni ući u Džehennem poniženi!'"** (Gafir, 60)

I rekao je Allah: **"I ne budite kao oni koji su zaboravili Allaha pa je On učinio da zaborave sami sebe! To su doista pravi griješnici!"** (El-Hašr, 19)

Znaj, brate muslimanu, Allah se smilovao svima nama, da je jedna od najvećih obaveza, svim ljudima, da se sjećaju i spominju Uzvišenog Allaha. Doista je spominjanje Allaha Svevišnjeg najkorisniji lijek za ljudska srca i razume, i najuspješnija metoda za ostvarenje lijepog života, jer spominjanje Allaha čisti srce od svake bolesti, a društvo od svake nepravilnosti!

Allahova Knjiga, Kur'an plemeniti, obiluje zikrovima i dova-  
ma. Također, hadis časni prepun je sveobuhvatnih dova i zikro-  
va koji se prenose od Allahovog Poslanika, sallallahu alejhi ve  
sellem.

Na svakom vjerniku je da se upozna s tim kur'anskim i hadis-  
kim dova i zikrovima, onome što mu je lahko od njih da se podu-  
či, i nakon toga Svevišnjeg Allaha tim dova često doziva, obraća  
Mu se i moli Ga, a zikrovima spominje i veliča.

Zasigurno, kur'anske i hadiske dove, kao i zikrovi, vrijedniji su  
i korisniji od običnog ljudskog govora.

Islamski učenjaci su mnogo pažnje pridavali kur'ansko-hadis-  
kim zikrovima i dova. Neki od njih bi u svojim djelima posebna  
poglavlja posvećivali ovim dova i zikrovima, a neki bi čak pisa-  
li i zasebna djela te u njima navodili kur'ansko-hadiske dove i zikro-  
ve.

Jedan od islamskih velikana našeg vremena koji je zasebno  
djelo posvetio dova i zikrovima iz Kur'ana i sunneta jeste i islam-  
ski autoritet, hadiski stručnjak Abdullah b. Abdurrahman es-S'ad.  
Svoje djelo je naslovio *Dove i zikrovi preneseni od Vjerovjesnika,  
sallallahu alejhi ve sellem, koji se uče tokom dana i noći*. Sam naslov  
govori nam da se autor, Allah ga sačuvao, u svom djelu više posvetio  
hadiskim dova i zikrovima, iako je na određenim mjestima spo-  
menuo i kur'anske dove i zikrove.

Odlika ovog djela jeste ta što su u njega uvršteni samo vjero-  
dostojni hadisi. Svaki vjernik i vjernica koji se iz ovoga djela budu  
podučavali dova i zikrovima mogu biti spokojni i sigurni u vjero-  
dostojnost onoga što uče.

Zatim, od odlika ovog djela jeste i njegova preglednost te ras-  
pored dova i zikrova po temama i poglavljima, odnosno situacijama  
u kojima je propisano učiti određene dove i zikrove.

Islamski autoritet, šejh es-S'ad, ovo djelo je prvo podijelio na nekoliko velikih tema koje govore o različitim vremenima i situacijama tokom dana, da bi te teme poslije podijelio na razna poglavlja. Ova preglednost i raspored dova i zikrova od posebne je koristi onima koji te dove i zikrove još uvijek ne znaju napamet. Sjećam se kada je, sada već poodavno, šejh i veliki odgajatelj Abdul-Aziz es-Sedhan govorio kako se lahko, bez velikog uloženog napora, mogu naučiti brojne dove i zikrovi. Preporučivao je šejh onome ko ne zna dove i zikrove koji se uče u određenoj situaciji da, kada god se nađe u toj situaciji, otvori knjigu i pročita dotičnu dovu ili zikr, i da u tome ustrajava. Kad god hoće nešto da radi, a u vezi toga postoji neka dova ili zikr da otvori knjigu i pročita iz nje tu dovu. Tako će, bez velikog uloženog truda, vremenom usvojiti sve te dove i zikrove. U tu svrhu od velike pomoći je raspored i preglednost potrebnih dova i zikrova.

I od posebnih odlika i koristi ovoga djela jeste brojnost spomenutih dova i zikrova. Naime, islamski autoritet, šejh es-S'ad, u ovom svom djelu spomenuo je oko stotinu i sedamdeset vjerodostojnih dova i zikrova, te nam omogućio, Allahovom dozvolom, da sa sigurnošću spominjemo i veličamo, dozivamo i molimo našega Gospodara, Uzvišenog Allaha, svakodnevno i danonoćno, svoja srca očistimo i oplemenimo, potrebe zadovoljimo, živote uljepšamo.

Uzvišenog Allaha molim da ovim djelom uzdigne spomen našem šejhu i velikanu Abdullahu es-S'adu, poveća mu stepene kod Sebe, nagradi ga najboljom nagradom, da njega i njegove roditelje i njegovu porodicu nastani u Džennetul-firdevsu, u društvu Vjervjesnika, sallallahu alejhi ve sellem, i njegovih časnih ashaba.

Molim Uzvišenog Allaha i da našem bratu Harisu Bećoviću podari udio u svemu tome, da ga nagradi za prijevod ovoga djela, učvrsti ga i pomogne u njegovom daljem traženju šerijatskog znanja.

Molim Svevišnjeg Allaha da nam svima podari iskrenost u riječima i djelima.

*Hajrudin Tahir Ahmetović*

*Gračanica, 19.02.1440. h.g.*



## **PREDGOVOR**

### **MR. SEADA EF. ISLAMOVIĆA**

U ime Allaha, Milostivog, Samilosnog!

Hvala Allahu Milostivom, Samilosnom, Gospodaru svih svjetova. Njega hvalimo i od Njega pomoć i uputu tražimo. Koga Allah uputi taj će biti sretan na oba svijeta, a koga ostavi u zabludi njemu nema spasa i sreće ni na ovome ni na onome svijetu, pa Ga molimo da nas uputi i učini od sretnih. Amin!

Uzvišeni Allah je rekao u svojoj plemenitoj knjizi: **"Spominjite Me i Ja ću vas spomenuti..."** (El-Bekare, 152)

Naš Gospodar nas je podučio da je zikr najbolja i najčvršća veza sa Njim. Naša tijela su u potrebi za hranom da bi živjela i ispravno funkcionisala, ali isto tako i duše su u potrebi za svojom hranom. Najbolja hrana za dušu su: zikr, dova, namaz i ostali ibadeti.

Kur'an i sunnet nas uče dovama i zikrovima koji se uče u raznim prilikama i okolnostima. Stoga, trebamo naučiti što više zikrova i dova da bismo se zaštitili u svakoj situaciji.

Uzvišeni Allah spominje da će dati veliku nagradu onima koji Ga budu puno spominjali. Tumačeći značenje "koji mnogo Allaha spominju", ulema kaže da su to oni koji praktikuju zikr po sunnetu i gdje god je Allahov Poslanik, sallallahu alejhi ve sellem, spomenuo da treba zikriti, oni zikre. Pri jelu i piću, pri ustajanju iz kreveta, pri izlasku iz kuće, zikr prije namaza, zikr u namazu, zikr poslije namaza, pri ulasku u kuću, pri ulasku u kupatilo i izlasku iz njega, zikr prije odlaska u postelju itd.

Obratite pažnju zbog čega se traži oprost riječima "gufraneke" kada se izlazi iz kupatila. Ulema spominje da je to zato što smo bili u prostoru u kojem se ne spominje Allah, ne zikri se, pa nam je zato propisano reći: "Allahu, oprosti mi".

Stoga, vjernik treba da vodi računa o svom vremenu i da što više zasadi sebi sadnica u Džennetu jer je tako došlo u hadisu, da sa određenim zikrovima koji se izgovore, čovjek će dobiti po jednu sadnicu u Džennetu.

Islamski velikani od davnina, vodili su računa da sakupe što više vjerodostojnih dova i zikrova i na taj način olakšaju običnim masama, da što više uče i slave Allaha. Treba znati da je Allahov Poslanik, sallallahu alejhi ve sellem, bio obdaren od Allaha jezgrovitim govorom, pa je sa malo riječi puno toga obuhvatao i rekao. Stoga, u većini slučajeva kada se spominju duge dove, nisu prenesene od Poslanika, sallallahu alejhi ve sellem. Poslanikove dove i zikrovi su kratki i jezgroviti.

Allahov Poslanik, sallallahu alejhi ve sellem, nam je ostavio u naslijeđe dovu koja je kratka, ali obuhvata molbu za svaki hajr i zaštitu od svakog zla:

اللَّهُمَّ إِنِّي أَسْأَلُكَ مِنَ الْخَيْرِ كُلِّهِ عَاجِلِهِ وَآجِلِهِ، مَا عَلِمْتُ مِنْهُ وَمَا لَمْ  
أَعْلَمْ، وَأَعُوذُ بِكَ مِنَ الشَّرِّ كُلِّهِ، عَاجِلِهِ وَآجِلِهِ مَا عَلِمْتُ مِنْهُ، وَمَا لَمْ  
أَعْلَمْ، اللَّهُمَّ إِنِّي أَسْأَلُكَ مِنْ خَيْرِ مَا سَأَلَكَ عَبْدُكَ وَنَبِيُّكَ مُحَمَّدٌ صَلَّى  
اللَّهُ عَلَيْهِ وَسَلَّمَ، وَأَعُوذُ بِكَ مِنْ شَرِّ مَا عَاذَ مِنْهُ عَبْدُكَ وَنَبِيُّكَ، اللَّهُمَّ إِنِّي  
أَسْأَلُكَ الْجَنَّةَ وَمَا قَرَّبَ إِلَيْهَا مِنْ قَوْلٍ أَوْ عَمَلٍ، وَأَعُوذُ بِكَ مِنَ النَّارِ وَمَا  
قَرَّبَ إِلَيْهَا مِنْ قَوْلٍ أَوْ عَمَلٍ، وَأَسْأَلُكَ أَنْ تَجْعَلَ كُلَّ قَضَاءٍ تَفْضِيهِ لِي خَيْرًا

"Prenosi Aiša, radijallahu anha, da ju je Allahov Poslanik, sallallahu alejhi ve sellem, podučio ovoj dovi: "Allahu moj, molim Te da mi podariš dobro, na ovom i budućem svijetu, ono koje ja poznajem i ono koje ne poznajem. Utječem Ti se od svakog zla, i na ovom i na budućem svijetu, onog kojeg poznajem i onog kojeg ne poznajem. Utječem Ti se od onoga od čega se utjecao Tvoj rob i Vjerovjesnik. Allahu moj, molim Te da mi podariš Džennet i ono što približava njemu od riječi i djela, i da me sačuvaš Vatre i od onoga što njoj približava od riječi i djela. Molim Te da učiniš sve što ćeš mi odrediti da to bude dobro za mene."<sup>1</sup>

Samo ako razmislimo o ovom zikru, vidjet ćemo da nam je tu sažeto blago oba svijeta, koje možemo dokučiti uz malo truda i vremena.

Jedno od posebnih djela jeste i djelo poznatog hadiskog učenjaka Abdullaha b. Abdurrahmana es-Sa'da, Allah ga sačuvao i uživio u dobru, a koje je obuhvatilo najbitnije zikrove i dove koje su nam svakodnevno potrebne. Prijevod ovog djela će vidno obogatiti naše bošnjačko područje i sigurno će zauzeti zavidno mjesto među djelima slične tematike.

Molimo Allaha, dž.š., da šejha, a i prevodioca, brata Harisa Bećovića, te sve one koji doprinesu da ova knjiga ugleda svjetlo, obilato nagradi i uvede u Džennet. Amin!

*Sead Islamović,*  
*Novi Pazar, 20.09.2018.*



---

<sup>1</sup> Ahmed (24498); Ibn Madže (3846), a šejh Albani ga je ocijenio vjerodostojnim u Sahihu-l-džam'i (1276).







## UVOD AUTORA

### BISMILLAHI-R-RAHMANI-R-RAHIM

Doista sva zahvala pripada Allahu. Njemu zahvaljujemo i od Njega pomoć tražimo. On je Taj koji je svima potreban, Njemu se utječemo od zla naših duša i loših djela. Koga Allah uputi na Pravi put, niko ga u zabludu ne može odvesti, a koga On pravedno u zabludi ostavi, niko ga na Pravi put ne može uputiti.

Svjedočim da nema drugog istinskog boga osim Allaha, Jednoga, Koji sudruga nema, i svjedočim da je Muhammed, Njegov rob i Njegov poslanik, neka je salavat i selam na njega, njegovu porodicu i njegove časne ashabe.

A nakon toga:

Postoji puno šerijatskih tekstova o vrijednosti spominjanja Uzvišenog Allaha. Došli su u sunnetu Allahovog Poslanika, sallallahu alejhi ve sellem, razni oblici dova i zikrova. Rekao je Ibn Abdulberr: "Allahov Poslanik, sallallahu alejhi ve sellem, je imao različite vrste dova kojima je dovio i ustrajavao na njima, koje se ne mogu sakupiti čak ni u jednoj knjizi zbog njihove brojnosti."<sup>1</sup>

Kazao je Imam Ibn-Tejmije: "Sakupili su učenjaci i dostavili od zikrova i dova šta treba izgovoriti Allahov rob kada osvane, kada omrkne, kada želi ići na spavanje, kada se boji nečega i slično tome od razloga. Onaj koji bude krenuo sličnim putem, krenuo je putem Allahovih evlija, dobrih robova, koji se ničega ne boje i koji ni za čim ne tuguju."<sup>2</sup>

<sup>1</sup> Ibn Abdul-Berr, Et-Temhid, (7/283).

<sup>2</sup> Ibn-Tejmije, Medžmū-ul-fetava, (24/281).

U ovoj knjizi sakupio sam samo neke od dova i zikrova vjerodostojno prenesenih od Vjerovjesnika, sallallahu alejhi ve sellem, i podijelio sam ih u osam kategorija.

Dove i zikrovi:

### 1. DAN (el-jeum)

Dan nastupa izlaskom zore<sup>3</sup> i traje do zalaska sunca, a također zahvata i noć.<sup>4</sup> Ova kategorija je zasebna za ono što je vezano za dan, da čovjek musliman može da izgovori zikir kad god ga se sjeti u toku dana, bilo da je ujutru, ili navečer, spojeno ili u razmacima, pod uslovom da bude u tom danu.

### 2. POČETAK DANA (en-nehar)

Dan (en-nehar) nastupa izlaskom sunca i traje do njegovog zalaska. *Duha* je početak dan, i traje od kada sunce odskoči nakon izlaska do kada dođe do polovine neba.

### 3. JUTRO I VEČER (es-sabah – el-mesa')

Jutro nastupa izlaskom zore, a završava se izlaskom sunca. Najbolje je jutarnji zikir izgovoriti nakon sabah-namaza, bez da se odvajaju jedan od drugog, zato što u mnogim hadisima Allahov Poslanik, sallallahu alejhi ve sellem, kaže: "*Kada nastupi jutro (osvane)...*"

Večer nastupa nakon što sunce pređe polovinu neba i traje do noći. S tim da je najbolje večernji zikir izgovoriti nakon ikindije-namaza.

Doista je zikir jedan od razloga da Allah sačuva Svoga roba, i najpreče je da se požuri sa jutarnjim zikrom, kako bi čovjek bio sačuvan uz Allahovu dozvolu od samog početka dana pa sve dok ne nastupi večer, što isto treba uraditi i sa večernjim zikrom, i tako sve vrijeme.

<sup>3</sup> Prave (iskrene) zore. (op. prev.)

<sup>4</sup> U ovom slučaju riječ "dan" označava dvadeset i četiri sahata. (op. prev.)

#### **4. NOĆ (el-lejl)**

Noć nastupa zalaskom sunca i traje do pojave zore. Kaže Uzvišeni: "**od tada postite sve do noći...**", tj. do zalaska sunca.

Zikrovi koji se izgovaraju u noći nisu zikrovi koji se izgovaraju kada se želi spavati, jer ono što se izgovara u noći nije vezano za spavanje, već za noć.

#### **5. PRILIKOM ODLASKA NA SPAVANJE I PRILIKOM BUĐENJA IZ SNA**

#### **6. U RAZNIM STANJIMA I PRILIKAMA**

#### **7. NAKON PROPISANIH (FARZ) NAMAZA**

#### **8. UOPĆENI, NISU VEZANI ZA POSEBNO STANJE, NITI PRILIKU**

Molim Allaha za uspjeh u svakom stanju, jer uspjeh zavisi samo od Njega, tebareke ve te'ala.







PRVA PODJELA

## DOVE I ZIKROVI KOJI SU VEZANI ZA DAN

1 – Rekao je Allahov Poslanik, sallallahu alejhi ve sellem: "Ko kaže:

سُبْحَانَ اللَّهِ وَبِحَمْدِهِ

SUBHĀNALLAHI VE BI-HAMDIHI!

*"Neka je slavljen Allah, i neka mu je sva hvala!"*

- u jednom danu stotinu puta, obrisat će mu se grijesi makar ih bilo poput morske pjene."<sup>5</sup>

2 – Rekao je Allahov Poslanik, sallallahu alejhi ve sellem, ashabima: "Da li bi nekom od vas bilo teško da svaki dan zaradi hiljadu dobrih djela?' 'Na koji način bi to neko od nas mogao zaraditi?' – upitaše. Allahov Poslanik, sallallahu alejhi ve sellem, reče: 'Da izgovori stotinu puta:

سُبْحَانَ اللَّهِ

SUBHĀNALLAH!

*"Neka je slavljen Allah!"*

- bit će mu upisano hiljadu dobrih djela ili će mu biti pobrisano no hiljadu loših djela."<sup>6</sup>

<sup>5</sup> Buhari (6405); Muslim (2691) i drugi od Ebu-Hurejre, radijallahu anhu.

<sup>6</sup> Muslim (2698) i drugi od Sa'da b. Ebi-Vekkasa, radijallahu anhu.

3 – Rekao je Allahov Poslanik, sallallahu alejhi ve sellem: "Ko kaže:

لَا إِلَهَ إِلَّا اللَّهُ، وَحْدَهُ لَا شَرِيكَ لَهُ،  
لَهُ الْمُلْكُ وَلَهُ الْحَمْدُ، وَهُوَ عَلَى كُلِّ شَيْءٍ قَدِيرٌ

LĀ ILAHE ILLALLAHU VAHDEHU LA ŠERĪKE LEH,  
LEHUL-MULKU VE LEHUL-HAMDU, VE HUVE 'ALA KULLI  
ŠEJ'IN KADĪR!

*"Nema drugog istinskog boga osim Allaha, Jedinoga,  
Koji sudruga nema, Njemu pripada sva vlast i zahvalnost!  
On je Taj koji sve može!"*

- u jednom danu stotinu puta, bit će nagrađen kao da je oslobo-  
dio deset robova, bit će mu upisano stotinu dobrih djela, izbrisano  
stotinu loših djela, bit će zaštićen od šejtana toga dana sve dok ne  
smrkne, i neće niko doći sa nečim boljim sa čime je došao on, osim  
onaj ko izgovori to više puta."<sup>7</sup>



---

<sup>7</sup> Buhari (6405); Muslim (2691) i drugi od Ebu-Hurejre, radijallahu anhu.



## DRUGA PODJELA

### DOVE I ZIKROVI KOJI SU VEZANI ZA POČETAK DANA

4 – Allahov Poslanik, sallallahu alejhi ve sellem, je jedne prilike izašao rano od od Džuvejrije, radijallahu anha, nakon što je klanjao sabah, a ona je ostala na mjestu gdje je klanjala. Zatim se vratio nakon što je nastupilo vrijeme duha-namaza, a ona je sjedila na istom mjestu, pa joj je rekao: *"Još uvijek si na onom mjestu gdje sam te ostavio?"* Rekla je: 'Da.' Tada joj Allahov Poslanik, sallallahu alejhi ve sellem, reče: *'Nakon što sam otišao rekao sam četiri riječi tri puta, kada bi se izvagale sa onim što si rekla od jutros, prevagnule bi:*

سُبْحَانَ اللَّهِ وَبِحَمْدِهِ، عَدَدَ خَلْقِهِ  
وَرِضًا نَفْسِهِ وَزِنَةَ عَرْشِهِ وَمِدَادَ كَلِمَاتِهِ

SUBHĀNALLAHI VE BI-HAMDIHI, 'ADEDE HALKIHI, VE RIDĀ  
NEFSIHI, VE ZINETE ARŠIHI, VE MIDĀDE KELIMĀTIH!

*"Neka je slavljen Allah i neka mu je hvala u razmjerama brojnosti Njegovih stvorenja, u razmjeri zadovoljstva koje je Sam Sebi odredio, težine Njegova prijestolja (Arša) i mnoštvene osebnosti Njegovih riječi!"*



U drugoj predaji stoji da je Allahov Poslanik, sallallahu alejhi ve sellem, rekao:

سُبْحَانَ اللَّهِ عَدَدَ خَلْقِهِ، سُبْحَانَ اللَّهِ رِضًا نَفْسِهِ،  
سُبْحَانَ اللَّهِ زِينَةَ عَرْشِهِ، سُبْحَانَ اللَّهِ مِدَادَ كَلِمَاتِهِ

SUBHĀNALLAHI ADEDE HALKIHI,  
SUBHĀNALLAHI RIDĀ NEFSIHI, SUBHANĀLLAHI ZINETE  
ARŠIHI, SUBHĀNALLAHI MIDĀDE KELIMĀTIH!

*"Neka je slavljen Allah u razmjerama brojnosti Njegovih stvorenja, neka je slavljen Allah u razmjeri zadovoljstva koje je Sam Sebi odredio, neka je slavljen Allah težine Njegova prijestolja (Arša) i neka je slavljen Allah u razmjerama mnoštva osebujnosti Njegovih riječi!"<sup>8</sup>*



---

<sup>8</sup> Muslim (2726) i drugi od Abdullaha b. Abbasa, radijallahu anhuma. Ova druga predaja je tačnija, zato što nju prenosi skupina učenjaka od poznatih prenosilaca hadisa. Najbolje je da čovjek nekada izgovori prvi zikir, a nekada drugi, jer su obje predaje došle jakim lancima prenosilaca. (autor)



## SADRŽAJ

<b>Predgovor prevodioca.....</b>	<b>5</b>
<b>Predgovor dr. Safeta Kuduzovića.....</b>	<b>7</b>
<b>Predgovor dr. Hajrudina Ahmetovića.....</b>	<b>9</b>
<b>Predgovor mr. Seada ef. Islamovića.....</b>	<b>13</b>
<b>Uvod autora.....</b>	<b>17</b>
<b>1. DOVE I ZIKROVI KOJI SU VEZANI ZA DAN.....</b>	<b>21</b>
<b>2. DOVE I ZIKROVI KOJI SU VEZANI ZA POČETAK DANA.....</b>	<b>23</b>
<b>3. DOVE I ZIKROVI VEZANI ZA JUTRO I VEČER.....</b>	<b>25</b>
<b>4. DOVE I ZIKROVI VEZANI ZA NOĆ.....</b>	<b>38</b>
• Učenje sure el-Ihlās.....	38
• Učenje posljednja dva ajeta sure el-Bekara.....	38
• Učenje sure el-Mulk.....	38
• Prekrivanje posude i njeno pričvršćivanje, gašenje svjetiljki, zatvaranje vrata i spominjanje Allahovog imena pri svemu tome.....	39
<b>5. DOVE I ZIKROVI PRILIKOM ODLASKA NA SPAVANJE I PRILIKOM BUĐENJA IZ SNA.....</b>	<b>40</b>
• Šta se izgovara ako se u noći probudi zbog nemirnog sna.....	45
• Šta se izgovara ako se u snovima vidi ono što se prezire...46	
<b>6. DOVE I ZIKROVI U RAZNIM STANJIMA I PRILIKAMA.....</b>	<b>48</b>
• Šta se izgovara prilikom ulaska u kuću.....	48
• Šta se izgovara prilikom izlaska iz kuće.....	48
• Šta se izgovara prilikom ulaska u džamiju i prilikom izlaska iz nje.....	49

- Šta se izgovara prilikom obroka ..... 50
- Šta se izgovara kada se završi sa jelom ..... 51
- Šta se izgovara kada se jede kod nekoga ..... 52
- Šta se izgovara prilikom ulaska u nužnik ..... 52
- Šta se izgovara prilikom izlaska iz nužnika ..... 53
- Šta se izgovara kada se čuje ezan ..... 53
- Šta se izgovara kada se završi sa abdestom ..... 55
- Šta se izgovara kada ti se ponudi od porodice ili imetka .. 56
- Šta se kaže kada vidiš u sebi, svom imetku  
ili svom bratu ono što te zadivljuje ..... 56
- Šta se kaže bratu kada ga vidiš da se smije ..... 57
- Dova za mladoženju ..... 57
- Šta izgovori onaj ko kihne i šta se kaže njemu ..... 58
- Ako ponovi kihanje više od jednom ..... 59
- Nazdravljanje nevjerniku ..... 60
- Šta se kaže kada oženiš ženu, kupiš slugu ili jahalicu ..... 60
- Šta se kaže prilikom srdžbe/ljutnje ..... 61
- Dova za istihara-namaz ..... 62
- Šta se kaže bolesniku ..... 63
- Šta se izgovara kada se čovjek žali na nešto ..... 64
- Traženje zaštite od Allaha za djecu ..... 69
- Šta se izgovara kada se utječe Allahu ..... 69
- Šta se izgovara kada se vidi mjesec ..... 69
- Šta se izgovara kada se obuče nova odjeća ..... 70
- Šta izgovara čovjek kada želi spolno općiti  
sa svojom suprugom ..... 70
- Šta se izgovara kada se upita: ko je? ..... 71
- Šta se izgovara kada se odsjedne u nekoj kući/mjestu ..... 71
- Šta se izgovara kada se uzjaše jahalica ..... 71

<b>Dove na putovanju.....</b>	<b>73</b>
• Šta se izgovara kada ispraćaš musafira.....	73
• Šta izgovara musafir kada ga neko ispraća .....	73
• Šta se izgovara kada se krene na putovanje prilikom polaska .....	73
• Šta se izgovara kada sviće na putovanju.....	75
• Šta se izgovara kada se uspinje na uzvišenje.....	76
• Šta se izgovara kada se uspinje na kakvo uzvišenje i kada se spusti u neku dolinu tokom putovanja .....	76
• Šta se izgovara kada se uđe u neko selo ili grad.....	77
• Šta se izgovara kada se vrati sa putovanja .....	78
• Šta se izgovara od dova onome kome je potrebna čvrstoća u vjeri.....	78
• Šta se izgovara kada se posrne .....	79
• Šta se izgovara kada se upadne u nevolju i poteškoću.....	79
• Dova za izlazak iz nevolje .....	80
• O onome što je došlo o traženju pobjede .....	81
• Šta se izgovara kada te zadesi nešto .....	83
• Šta se izgovara kada se bojiš nekih ljudi.....	84
• Šta se izgovara prilikom vesvese.....	84
• Neće se reći zaboravio sam taj i taj ajet.....	84
• Šta se izgovara kada se zaboravi nešto .....	84
• Šta se uči na vitr-namazu .....	85
• Traženje afijeta od Allaha .....	85
• Šta se izgovara prilikom vjetra.....	86
• Šta se izgovara kada se čuje grmljavina i grom .....	88
• Šta se izgovara kada se ugleda kiša.....	88
• Šta se izgovara nakon kiše .....	89

- Šta se izgovara kada se čuje kukurikanje pijetlova,  
revanje magarca i lavež pasa.....89
- Šta se izgovara kada se ugleda dedždžal.....90
- O onome što štiti od šejtana.....90
- Šta se izgovara kada se ugleda zmija u kući .....91
- Šta izgovara insan kada čini hidžru iz jednog  
mjestu u drugo bježeći kako bi sačuvao svoju vjeru .....92
- Šta se izgovara kada se na čovjeka spusti kakva nedaća ..... 92
- Šta se izgovara onome ko se boji i ko je uplašen .....93
- Zabrana priželjkivanja smrti .....93
- Šta se izgovara od dōva djetetu kada mu umre otac .....94
- Šta se izgovara prilikom nedaće .....95
- Šta se izgovara kada se stavi umrli u lahd (mezar) .....96
- Šta se izgovara prilikom posjete groblju .....96
- Šta se izgovara prilikom smrti.....97
- Otkup za propuste na sijelu.....98

**7. DOVE I ZIKROVI NAKON PROPISANIH (FARZ) NAMAZA ..... 100**

1. Istigfar i zahvala ..... 100
2. Ēt-tehlil (lā ilahe illallah) i et-tahmid (elhamdulillah).. 101
3. Ēt-tesbih (subhanallah), et-tahmid (elhamdulillah),  
i et-tekbir (Allahu ekber)..... 102
4. Šta se uči iz Kur'ana..... 106
5. Dove ..... 107
- Dove i zikrovi koji su uopćeni, nisu vezani  
za posebno stanje ili priliku ..... 108